



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


Orelli- Cl. Claudiani in Probini... 1843

Lc 46
60

LC 46.60



HARVARD
COLLEGE
LIBRARY



M. I. Frank
March Aug. 1850
from the library
J. C. Orellii
Le 46. 60.
Prof. Orellii

INDEX LECTIONUM
IN
ACADEMIA TURICENSI

INDE
A DIE XXX. MENSIS OCTOBRIS M.DCCC.XLIII.

USQUE
AD DIEM XX. MENSIS MARTII M.DCCC.XLIV.

HABENDARUM.

INSUNT
CL. CLAUDIANI IN PROBINI ET OLYBRII FRATRUM CONSULATUM PANEGYRIS. IN RUFINUM
LIBRI DUO CUM VARIIS LECTIONIBUS.

TURICI.
APUD ORELLIUM, FUESSLINUM ET SOCIOS.
M.DCCC.XLIII.

7 Lc 46. 60

1859, Oct. 28. 6cts.
Gray Fund.

Quantum non madidis elisa tonitrua Coris;
 Secernique negant, ereptaque praelia poscunt;
 Insignemque ducem populus defendit uterque,
 Et sibi quisque trahit: magno certatur amore, 225
 Alternamque fidem non illaudata lacescit
 Seditio talique simul clamore movetur:
 Quis mihi nudatos enses, quis tela lacertis
 Excutit et solvi curvatos imperat arcus?
 Quisnam audet stricto leges imponere ferro? 230
 Inflammata semel nescit mitescere virtus.
 Iam mihi barbaricos sitientia pila cruores
 Sponte volant ultroque manus mucrone furenti
 Ducitur et siccum gladium vagina recusat.
 Num patiar! Semperne Getis discordia nostra 235
 Proderit? En iterum belli civilis imago!
 Quid consanguineas acies, quid dividis olim
 Concordes aquilas? Non dissociabile corpus
 Coniunctumque sumus. Te, quo libet ire, sequemur.
 Te vel Hyperboreo damuatam sidere Thulen, 240
 Te vel ad incensas Libyae comitabor arenas.
 Indorum si stagna petas rubrique recessus
 Aequoris, auriferum veniam poturus Hydaspen.

222. *validis* T. (nova lectio.) — *elisa* T cum ceteris notis praeter Lucens. Gyrald. Ambros. tert., e quibus *elisa* recte recepit Heinsius. — 225. *honore* pr. T. cum aliis. — 227. *movetur* T cum tantum non omnibus, id est, «*κινείται*, sese movet, hunc in clamorem prorumpit:» queruntur rursus mera ex interpolatione Lucens. Gyrald. ex bisque Heins. Burm. — 230. *stricto leges* T cum tantum non omnibus: *leges vibrato* ex mera variandi cupidine Lucensis, primus Vatic. et Ed. Basil., quod praetulerunt Heins. et Burm. — «Utrumque probum; illud tamen (*leges vibrato*) malo, quia *strictos deponere cogimur enses* iam praecessit v. 214» Heins. Verum haec ipsa interpolandi causa fuit. — 231. *simul* pr. T. — 232. *Iam mihi*] sic etiam T. Ante Heinsium volgabatur *Iam iam*. — *tela* T, ut corr. Rottendorph. — 233. *ultroque* T cum ceteris notis praeter Exc. Laeti. Florent. varia lect. et Ed. Parm., ex quibus manifestam interpolatoris *sponte ultroque* improbantis manum *ultriusque* praetulit Heins. et Burm. — 235. *Non* T cum plerisque. — 237. *dividit* T cum permultis. Heinsiana lectio desumpta est ex Thuan. Exc. Lucens. et Laeti. — 239. *qua libet* T cum permultis. Pro qua lectione Burmannus affert locum satis diversum Petron. 18: *Hoc amo, quod possim, qua libet, tre via*. — 240. *ilem* T. — 243. *Litoris* T, ut Edd. ante Heinsium, et in ipsa Heinsiana 1688. Contra in Heins. 1665. est *aequoris*. — «*Aequoris* prior Moreti inter optimos (vel potius, ut notat Le Clercq, Pulmanni Cod. C.) Bene; alterum ferri non potest, quia sequitur *secretaque litora Nilii*; nisi illic cum altero Moreti et

Si calcare Notum secretaque litora Nili
 Nascentis iubeas, mundum post terga relinquam; 245
 Et quocunque loco Stilichon tentoria figet,
 Hic patria est. Dux inde vetat: Desistite, quaeso,
 Atque avidam differte manum. Cadat iste minacis.
 Invidiae cumulus: non est victoria tanti,
 Ut videar vicisse mihi. Vos, fida iuventus, 250
 Ite mei quondam socii. Nec plura locutus
 Flexit iter; vacuo qualis discedit hiatu
 Impatiens remeare leo, quem plurima cuspis
 Et pastores pepulerunt igne catervae,
 Inclinatque iubas demissaque lumina velat, 255
 Et trepidas maesto rimatur murmure silvas.
 Ut sese legio vidit disiuncta relinqui,
 Ingentem tollit gemitum galeasque solutis
 Humectat lacrimis pressamque morantia vocem
 Thoracum validos pulsant suspiria nexus. 260
 Tradimur, heu! tantumque sequi prohibemur amorem,
 Exclamant: tardasne tuas, dux optime, dextras,
 Quas tibi victrices toties Bellona probavit?
 Nos adeo viles? adeo felicior axis
 Hesperius, meruit qui te rectore teneri? 265

primo Vat. legas *noscere Nili*, ut *secreta Nili* dixerit, quomodo *clausa rerum* et similia, quorum noster plenus. HEINS. «Saepe confunduntur *litora* et *aequora*. Vide III. Cons. Hon. 209. An *secretaque visere Nili*? Vide ad Nemes. Cyneg. 68.» BURM. — Vides sane perquam exiguum esse auctoritatem lectionum *Aequoris* et *noscere*. — *petiturus* pr. T. — 245. *mundum*] «*annum* Lucens. Placet. Virg. Aen. 6, 796: *patet extra sidera tellus, Extra anni solisque vias*.» HEINS. At vel merus est error vel lasciva interpolatio. — 252. *Flexit* T cum plerisque, *Flectit* ex primo Vat. et duobus aliis Heinsius. Illud restitui; magis enim placet *Flexit* - - ut *discedit* quam altera lectio. — *discessit* pr. T. — 258. *solutis*] sic etiam T. *Volutis* vel *solutas* malebat Heinsius, posterioris v. exemplum afferens Stat. Theb. 8, 163: *qui fletus galeis cecidere solutis*!, ad prius Virgilianum illud: *lacrimae volvuntur inanes*. (Aen. 4, 499.) Sed an quisquam dicere sustineat *lacrimas volutas*, valde dubito. — 259. *Humectat* T cum tantum non omnibus, item Edd. ante Burmannum, qui ex Lucensi, uno Petav. et Delrii Codice cum quarto Vaticano (v. Heins. infra ad v. 317.) *humectant*. — 261. *Tradimur*] *Prodimur* ex prioris varia lect. Moreti edere volebat Heinsius; sed operae non obtemperarunt. — 262. *tardasque* pr. T. quod verum iudico modo legatur *tardas*; *tradisque* corr. T, *tradisne* Libri plerique et Edd. ante Heinsium, qui *spernisne* ex Luc. Gyrald., primo et sec. Vat. Moret. sec. Livin. Mihi videtur interpolatio. — 263. *paravit* corr. T cum multis.

Quid nobis patriam, quid cara revisere tandem
 Pignora dilectosve iuvat coluisse penates?
 Te sine dulce nihil. Iam formidata tyranni
 Tempestas subeunda mihi; qui forte nefandas
 Iam parat insidias, qui nos aut turpibus Hunnis 270
 Aut impacatis famulos praestabit Alanis,
 Quamquam non adeo robur defecerit omne
 Tantave gestandi fuerit penuria ferri.
 Tu licet occiduo maneat sub cardine solis,
 Tu mihi dux semper, Stilichon, nostramque vel absens 275
 Experire fidem. Dabitur tibi debita pridem
 Victima: promissis longe placabere sacris.
 Tristior Haemoniis miles digressus ab oris
 Tangebatur Macetum fines murosque subibat,
 Thessalonica, tuos. Sensu dolor haeret in alto 280
 Abditus et tacitas vindictae praestruit iras,
 Spectaturque favens odiis locus aptaque leto
 Tempora, nec quisquam tanta de plebe repertus,
 Proderet incautis qui corda minantia verbis.
 Quae non posteritas, quae non mirabitur aetas 285
 Tanti consilium volgi potuisse taceri
 Aut facinus tam grande tegi? mentisque calorem
 Non sermone viae, non inter pocula rumpi?
 Aequalis tantam tenuit constantia turbam,
 Et fuit arcanum populo. Percurritur Hebrus, 290
 Deseritur Rhodope, Thracumque per ardua tendunt,
 Donec ad Herculei perventum nominis urbem,
 Ut cessasse ducem, propius venisse cohortes

269. *subeunda*] *subiecta* T, ut Tolos. — 271. *implacatis* pr. T cum aliis. — *praestabat* pr. T, *praestabit* Luc. Gyr. primus Vat. — 272. *defecerat* pr. T, ut Farn. — 276. *pridem*] *quondam* pr. T. (nova lectio.) — 277. *longe*] sic etiam T. «*Longum* Medicus sec. non male, id est, diu promissis.» HENR. Sic Virg. Aen. 10, 740: *nec longum lastabere*. Ovid. Met. 5, 65: *Nec longum pueri fato lastabere*. Et recepit Koenig, etsi lectionis per se non reliquendae perquam exigua est auctoritas. — 279. *Macedum* T cum aliis nonnullis. — 282. *lacus* pr. T. — 283. *plebs*] sic etiam T. *puls* Luc. Gyr. primus Val. et duo alii, ex interpolatione. — 288. *rumpi*] «*Merito suspectam Barthio. An fundi?* ut ita confunduntur *fundere* et *rumpere* *questus* Rapt. Pros. 2, 249. Certe *rumpi* admodum dure *calori* longi vidit iam Barthius; nisi Claudiano haec sin. ignoscenda.» BURM. — 289. «*turbam* Pricaeus, *montem* tertius Vat. fortasse *gentem*.» HENR. IUS.

Cognita Rufino, magna cervice triumphat,
 Omnia tuta ratus, sceptrumque capessere fervet, 295
 Et coniuratos accendit voce clientes:
 Vicinus; expulimus: facilis iam copia regni.
 Nullus ab hoste timor. Quis enim, quem poscere solum
 Horruit, hunc tanto munitum milite vincat?
 Quis ferat armatum, quem non superavit inermem? 300
 I nunc, exitium nobis meditare remotus
 Incassum, Stilichon: dum nos longissima tellus
 Dividat et mediis Nereus interstrepit undis,
 Alpinas transire tibi me sospite rupes
 Haud dabitur. Iaculis illinc me figere tenta. 305
 Quaere ferox ense, qui nostra ad moenia tendi
 Possit ab Italia. Non te documenta priorum,
 Non exempla vetant? Quisnam conatus adire
 Has iactat vitasse manus? Detrusimus orbe
 Te medio tantisque simul spoliavimus armis. 310
 Nunc epulas tempus, socii, nunc larga parare
 Munera donandumque novis legionibus aurum.
 Opportuna meis oritur lux crastina votis.
 Quod nolit, rex ipse velit, iubeatque coactus
 In partem mihi regna dari. Contingat in uno 315
 Privati fugisse modum crimenque tyranni.
 Talibus acclamat dictis infame nocentum
 Concilium, qui perpetuis crevere rapinis,
 Et quos una facit Rufino causa sodales,

296. *accendit*] ostendit T cum novem Heinsianis. — 298. *ab*] in pr. T. — *Quis*] sic etiam T: Quid de Heinsii coni. et cum Oisel. Burmannus. Non placet vel propter seq. *Quis ferat*, pro quo Heinsius malebat *Qui ferat*. — *poscere*] *vincere* T cum plerisque. Illud Heinsio praebebat Luc. Gyrald. Ed. Basil. — 303. *Nereus mediis* T. — *interstrepit*] sic etiam T. «*interstreat* prim. Vatic. Livin. et mg. Ed. Basil. Fort. *interstreat*.» HEINS. — 305. *Allo* T cum aliis. — 307. *monumenta* T cum omnibus, praeter Exc. Luc. sec. ex quibus *documenta* Heinsius. «Ovid. Met. 3, 579: *tuaque aliis documenta daturus Mortis*. Etiam ibi *monumenta* in scriptis erat, in aliis *exempla*.» BURM. — 308. *Quisnam* T cum omnibus praeter primum Vat. (et Livin.): *quis par* et his Heins. Burm. «Optime quidem: ad paria pladiatorum alludit.» HEINS. Mihi vel merus error vel inepta interpolatio videtur. — 309. *vicisse* T, ut Exc. Voss. — *destruximus* T. cum aliis. — 311. *socii tempus* T. — *parare* corr. T. *parari* malebat Heinsius. — 317. *acclamat* T cum omnibus praeter Pricaeum, ex quo *acclament* Heins. Burm. — 318. «*nituere* Barthii liber, de quo videndum.» BURM.

Illicitum duxisse nihil. Delicta fuere 320
 Nexus amicitiae. Iam iam connubia laeti
 Despondent aliena sibi, frustraue vicissim
 Promittunt, quas quisque petat, quas devoret urbes.
 Coeperat humanos alto sopire labores
 Nox gremio nigrasque Sopor diffuderat alas. 325
 Ille diu curis animum stimulantibus aegrum
 Labitur in somnos. Vix toto corde quierat,
 Ecce videt diras alludere protinus Umbras,
 Quas dedit ipse neci: quarum, quae clarior, una
 Visa loqui: Proh! surge toro! Quid plurima volvis 330
 Anxius? Haec requiem rebus finemque labori
 Allatura dies. Omni iam plebe redibis
 Altior et laeti manibus portabere volgi.
 Has canit ambages: occulto fallitur ille
 Omine nec capitis fixi praesagia sensit. 335
 Iam summum radiis stringebat Lucifer Haemum
 Festinamque rotam solito properantior urget.
 Tandem Rufini visurus funera, Titan
 Prosiluit stratis densaeque capacia turbae
 Atria regifico iussit splendere paratu 340
 Exceptura dapes, et, quod post vota daretur,
 Inscribi propriis aurum fatale figuris.

320. *delicta fuere*] «*funesta tacere*, quod non capio.» HEINS. En insana interpolatio! —
 324. *alte* T. — 325. *pigrasque*] T cum plerisque; *nigrasque* e primo Vatic. Palat. et Barthii
 Codice Heinsius. «Sed contra omnes (plures) Codices talia obtrudere temerarium. Nec video
 rationes, cur non *pigras alas* somno possint adscribi, ut contra *veloces* Mercurio apud Ovid.
 Her. 16, 61: *Constitit ante oculos actus velocibus alis*. Somno ergo, pigro deo, pigras alae
 dantur.» BURM. — 326. «Pro volgata *aeger, aegrum* Aldus et scripti fere omnes» (etiam T.),
 «quod frustra improbant viri docti. Sic Ovid. Rem. Am. 129: *Cum dederit lacrimas animum-
 que expleverit aegrum*. Prior Leid. (et Barthii Cod.) *aegre*, etiam non male.» HEINS. «Mihi
aegre magis placet; cum diu in somnis lacuisset ob curas, tandem labitur in somnos.» BURM. —
 328. *duras* T, ut Oxon. et Leid. — 329. *clarior*] sic etiam T. *saevior* Pal. Med. pr. Barthii
 Liber. — 330. *toris* T. (nova lectio.) — 331. *timori* Lucens. ex interpol. — 332. *Illatura* pr. T.
 — 335. *fixi praesagia sensit* T cum plerisque: *sensit* (sic) *praesagia fixi* ex Lucens. Gyrard. et
 quattuor aliis Heins. et BURM. — 339. «*Desiluit* Lucens. Non male.» HEINS. «*Prosiluit* non
 mutem; nam notat etiam simul ex cubiculo progressum ad socios et domesticos, cum *desiliens*
 poterit in cubiculo suo manere.» BURM. — 341. *post quod* T. — 342. «*Insculpi* Lucens. Gyrard.
 et Vatic. prim. Non audio. Iuven. 6, 205: *scripto radiat Germanicus auro*» HEINSIUS.

Ipse salutatum reduces post proelia turmas
 Iam regale tumens et principe celsior ibat,
 Collaque femineo iactabat mollia gestu, 345
 Imperii certus: tegetet ceu purpura dudum
 Corpus et ambirent ardentes tempora gemmae.
 Urbis ab angusto tractu, qua vergit in Austrum,
 Planities vicina patet: nam cetera Pontus
 Circuit, exiguo dirimi se tramite passus. 350
 Hic ultrix acies, ornatu fulgida Martis,
 Explicuit cuneos. Pedites in parte sinistra
 Consistunt; equites illic poscentia cursum
 Ora reluctantur pressis sedare lupatis.
 Hic alii saevum cristato vertice nutant, 355
 Et tremulos humeris gaudent vibrare colores,
 Quos operit formatque chalybs. Coniuncta per artem
 Flexilis inductis animatur lamina membris,
 Horribilis visu. Credas simulacra moveri
 Ferrea cognatoque viros spirare metallo. 360
 Par vestitus equis. Ferrata fronte minantur,
 Ferratosque levant securi vulneris armos.
 Diviso stat quisque loco. Metuenda voluptas
 Cernenti pulcherque timor; spirisque remissis
 Mansuescunt varii vento cessante dracones. 365
 Augustus veneranda prior vexilla salutat.

343. *salutatum* pr. T. — 345. *iactabat*] sic etiam T. Ante Heinsium *gestabat*. — 346. *dudum*] sic etiam T. *tutum* Clav. et Schedae Gud. — 348. *quo* T cum aliis. — 350. *tramite*] sic etiam T. *limite* Lucens. ex interpol. — 351. *Martis*] sic etiam T. *ferri* alii pauci. «Sic in *ferro* et *Marte* variant libri apud Ovid. Met. 6, 464. et 13, 255.» BURM. — 353. *illuc* Heins. 1688. Koenig: *illuc* T, *illinc* Heins. 1665. et BURM. ex Codd. — 355. *Hic* T cum plerisque, Heins. 1688. Koenig: *Hinc* Codd. aliq. Heins. 1665. et BURM. — *saevum*] sic etiam T. *senium* Cod. Barth. et Vicet. «Suspectus locus, nec a librariis illud *senium* mutant (sic Vicet.) proficisci potuit.» HEINS. Immo merus est error ortus ex scriptura *seuum*, quae est in T. — 357. *formatque*] sic etiam T. *firmatque* corr. Oxon. «*Format*, id est, ipsa membra exprimit.» BURM. — 358. *animatur*] sic etiam T. *hamatur* ante Delrium et Heins. volgo. «*Animatur* vera lectio, quia lamina illa videbatur cutis corporis vivi.» BURM. — 359. *videri* T. Ex aliis non notatur. — 362. *movent* T cum multis, et sic olim volgo. *Levant* Heins. et BURM. cum Lucens. aliisque certe non interpolatis. Comparat Heinsius Rapt. Pros. 1, 13: *Colla levant attrita iugis*. «Et moveri iam praecesserat.»

Rufinus sequitur, quo fallere cuncta solebat
 Callidus affatu, devotaque brachia laudat,
 Nomine quemque vocans: natosque patresque reversis
 Nuntiat incolumes. Illi, dum plurima ficto 370
 Certatim sermone petunt, intendere longos
 A tergo amplexus insperatoque suprema
 Circuitu sociare parant: decrescere campus
 Incipit et clipeis in se redeuntia iunctis
 Curvo paullatim sinuantur cornua ductu. 375
 Sic ligat immensa virides indagine saltus
 Venator: sic attonitos ad litora pisces
 Aequareus populator agit rarosque plagarum
 Contrahit anfractus et hiantes colligit oras.
 Excludunt alios; cingi se fervidus ille 380
 Nescit adhuc, graviterque apprensa veste morantem
 Increpat Augustum: scandat sublime tribunal;
 Participem sceptri, socium declaret honoris.
 Cum subito stringunt gladios; vox desuper ingens
 Infremuit: Nobis etiam, teterrime, nobis 385
 Sperasti famulas imponere posse catenas?
 Unde redi nescis? Patiarne audire satelles,
 Qui leges aliis libertatemque reduxi?
 Bis domitum civile nefas, bis rupimus Alpes.
 Tot nos bella docent nulli servire tyranno. 390
 Diriguit. Spes nulla fugae; seges undique ferri
 Circumfusa micat. Dextra laevaue revinctus
 Haesit et ensiferae stupuit mucrone coronae:

367. qui T cum plerisque: quo repositum est e primo Vat. et Cod. Barthii. — 369. vocans] sic etiam T. vocas Lucens. Gyrald. et prim. Vatie., quorum conspiracyem contra ceteros hic quoque vides. — 371. intendere longos A tergo amplexus T. cum omnibus praeter Lucens. et Gyrald., ex quibus Heins. et Burm.: intendere -- flexus; quae rursus mera est interpolatio. — Satis argute atque ambigue suo ex more hos amplexus dixit, non quidem amicos, sed permiscuos. — 373. sociare] sermone T. (nova lectio.) — 376. silvas T cum multis, saltus ex Lucens. Gyrald. aliisque interpolationis minus suspectis recepit Heins. Burm. — 379. anfractus T. — 381. appressa T, ut Exc. Voss. et alii pauci. — 385. deterrime T cum omnibus praeter var. lect. Vat. quint. teterrime, quam probatam Heinsio et Burmanno recte videntur recepisse Gesnerus et Koenig. «Ita enim in Codice Theodosiano Rufinum vocant Arcadius et Honorius A. A.: Ne minus viri illustris valeat temporalis offensio teterrimi iudicis iniuria. Nam Tatianum Rufinus proscripserat.» Heins. — 386. Famulis corr. T. (nova lectio.) — 387. nescis mg. T. (item.) — 389. domitum] sic etiam T. domui alii pauci.

Ut fera, quae montes nuper dimisit avitos,
 Altorumque exsul nemorum damnatur arenae 395
 Muneribus, commota ruit; vir murmure contra
 Hortatur, nixusque genu venabula tendit.
 Illa pavet strepitus cuneosque erecta theatri
 Respicit et tanti miratur sibila volgi.
 Unus per medios audendi pronior ense 400
 Prosilit exserto, dictisque et vulnere torvus:
 Hac petit, hac Stilichon, quem iactas pellere, dextra
 Te ferit: hoc absens invadit viscera ferro.
 Sic fatur meritoque latus transverberat ictu.
 Felix illa manus, talem quae prima cruorem 405
 Hauserit et fessi poenam libaverit orbis!
 Mox omnes fodiunt hastis artusque trementes
 Dilaniant. Uno tot corpore pila tepescunt
 Et non infecto puduit mucrone reverti.
 Hi voltus avidos et adhuc spirantia vellunt 410
 Lumina; truncatos alii rapuere lacertos.
 Amputat ille pedes, humerum quatit ille solutis
 Nexibus; hic fracti reserat curvamina dorsi.
 Hic iecur, hic cordis fibras, hic pandit anhelas
 Pulmonis latebras. Spatium non invenit ira, 415
 Nec locus est odiis. Consumpto funere vix tum
 Deseritur sparsumque perit per tela cadaver.
 Sic mons Aonius rubuit, cum Penthea ferrent

394. *dimisit*] sic etiam T. cum tantum non omnibus libris. *amisit* prim. Vatic. alique pauci; item volgo ante Heinsium. — 395. *damnatur*] *deputatur* superscr. in T. ex gloss. — 396. *Muneribus*] sic pr. T. cum aliis. *Vulneribus* corr. T. cum aliis, *Verberibus* alii. — 399. *Despicit* pr. T. *Dispiciit* Cod. Clav. (*Respicit* corr. T. cum Luc. Gyr. sec. Vatic. «Verbum *respicere* pavorem ferae eleganter exprimit.» Heins.) — 400. «*pronior*] Heinsius coniecerat *promptior*. Male; vide infra v. 465.» BURN. (*promptior* est in Patav.) — 401. *exserto*] sic etiam T. *esecto* multi. — *vulnere*] sic etiam T. *lumine* Patav. ex interpol. — 402. *Appetit* T. cum multis. — *Impetit* primus Val. et alii. Emendavit Heinsius ex primo Leid. et duobus aliis. — 406. *libra-verit* pr. T. cum aliis. — 410. *voltus avidos*] sic etiam T. *rabidos voltus* Lucens. Gyr. «Utrumque probum.» Heins. «Forte *pavidos*.» BURN. (Luc. et Gyr. lectio rursus mera est interpolatio.) — 413. *reserat* T. cum tantum non omnibus, quod restitui: *resecat* ex Moret. sec. Heinsii cont. firmante hic et BURN. — 416. «Malim *consumpto vulnere viadum*.» BURN. Non vidit *funere* (pro quo *corpore* ex interpol. Oxon.) significare «nece»; et *viadum* h. l. prorsus falsum est. *Vix tum* significat «etiamtunc vix.» — 417. *perit*] *cadit* T. cum plerisque; sed *cadit* -- *cadaver* vix probari potest. *perit* ex Lucensi, primo Vat., aliis nonnullis et Ed. Basil. correxit Heinsius.

Maenades, aut subito mutatum Actaeona cornu
 Traderet insanis Latonia virgo Molossis. 420
 Criminibusne tuis credis, Fortuna, mederi?
 Et male donatum speras aequare favorem
 Suppliciis? una tot milia morte rependis?
 Eversis agedum Rufinum divide terris,
 Da caput Odrysiis, truncum mereantur Achivi. 425
 Quid reliquis dabitur? Nec singula membra peremptis
 Sufficiunt populis. Vacuo plebs obvia muro,
 Iam segura, fluit. Senibus non obstitit aetas,
 Virginibusve pudor. Viduae, quibus ille maritos
 Abstulit, orbataeque ruunt ad gaudia matres, 430
 Insultantque alacres; vacuos iuvat ire per artus
 Pressaque calcato vestigia sanguine tingi.
 Nec minus assiduis certant elidere saxis
 Prodigiale caput, quod iam de cuspide summa
 Nutabat, digna rediens ad moenia pompa. 435
 Dextera quin etiam ludo concessa vagatur
 Aera petens, poenasque animi persolvit avari

420. *virgo*] sic T cum Libris omnibus, «*visa* Lucensis. Placet; ab Actaeone scilicet nuda.» HINS. Illud tamen servavit ipse et Burmannus. Sane *visa* nihil aliud est nisi petulans interpolatio. — 421. *credis* T cum plerisque: *speras* ex Luc. et Flor. Heinsius, Burm. — 422. *speras* T cum plerisque: *certas* mg. T. item ex Luc. Flor. Pat. aliisque nonnullis Heinsius, Burm. — 423. *rependis* T cum tantum non omnibus, item Heins. Burm. *repenti* (cum Helmstadiensi) Gesner, Koenig. — 427. *obvia*] *undique* T cum aliis haud paucis. — 428. *fluit*] *ruit* T cum aliis haud paucis. «Sed *ruunt* statim sequitur.» HINS. — 431. *vacuos* T cum plerisque: *laceros* cum duobus Vat. Farn. Prio. Oisel. Ambr. sec. et aliquot aliis Heins. Burm., *laceros* vel *truncos* Moret. sec. «Codd. quidam *vacuos*, quod Delrinus perperam probat, cum *vacuo muro* paullo ante praecesserit.» HINS. Dubito, utra lectio sit praefenda; nam repetitio eiusdem vocabuli intra paucos versus non semper suspectum facit locum, et repetita potest esse vox *laceros* ex praecedenti *alacres*, quae saepe cum altera commutata est. Vide Ovid. Her. 1, 36. *Vacui artus* possunt recte explicari de cadavere, quod exsanguis est, et ita vacuum spiritu et anima, ut Statius Theb. 9, 47: *Nudus in egregii vacuum iam corpus amici Procedit.*» BURM. Gravissimum interpolationis indicium praebet illud Moret. sec. *laceros* vel *truncos*. Ergo *vacuos* restitui. De verborum iterationibus apud poetas Latinos vide Iahnium ad Virg. Ecl. 6, 61. et ad Aen. 5, 136: *intentaque brachia remis*; *Intenti expectant signum*; quae tamen iteratio alius est generis (rhetorica videlicet) quam haec apud Claudianum, ad cuius locum prorsus similes haud paucae colligi possunt imprimis ex Tibullo. — 433. *certant* T cum plerisque: *flagrant* ex Luc.; primo Vatic. et quinque aliis Heins. Burm. — 437. *poenasque* T cum plerisque: *fraudesque* ex Luc. et quinque aliis Heins. Burm. — Utraque lectio mihi videtur ex interpolatione orta.

Terribili lucro vivosque imitata retentus
 Cogitur adductis digitos inflectere nervis.
 Desinat elatis quisquam confidere rebus, 440
 Instabilesque deos ac lubrica numina discat.
 Illa manus, quae sceptris sibi gestanda parabat,
 Cuius se toties submisit ad oscula supplex
 Nobilitas, inhumata diu miseroque revolsa
 Corpore feralem quaestum post fata poposcit. 445
 Adspiciat, ne quis nimium sublata secundis
 Colla gerat: triviis calcandus spargitur ecce,
 Qui sibi pyramidas, qui non cedentia templis
 Ornatura suos extruxit culmina Manes;
 Et, qui Sidonio velari credidit ostro, 450
 Nudus pascit aves. Iacet en, qui possidet orbem,
 Exiguae telluris inops et pulvere raro
 Per partes tegitur, nunquam totiesque sepultus.
 Senserunt convexa necem tellusque nefandum
 Emolitur onus. Iam respirantibus astris, 455
 Infernos gravat Umbra lacus. Pater Aeacus horret,
 Intransitque etiam latratu Cerberus urget.
 Tunc animae, quas ille fero sub iure peremit,
 Circumstant nigrique trahunt ad iudicis urnam,
 Infesto fremitu. Veluti pastoris in ora 460
 Commotae glomerantur apes, qui dulcia raptu

441. ac] et T cum Mss. Pulmanni. — 446. ne quis T cum plerisque: quisque ex Luc. et primo Vat. Heins. Burm. — 447. gerat T cum plerisque: gerit ex Luc. et primo Vat. Heins. Burm. Utrumque rursus ex arbitraria correctione. — 450. credidit T cum plerisque: creditus ex priore Moreti, primo Vat. Oxon. Reg. Heins. et Burm. Illud recte servavit Gesner. — 451. en] heu T, ut Ed. Vicet. — 453. Pro Heinsii et Burm. nusquam nunquam T. cum aliis, quod recte praefert Burm.: «Nunquam rō toties respondere videtur, cum ubique sit oppositum rō nusquam»; quod ex aliis praetulit Heinsius servavitque Burm. — 455. Emolitur T cum plerisque, idque restitui: Amolitur «prior Leidensis, quomodo primus quoque et tertius Vaticani pro diversa lectione.» Heinsius, inductus praecipue Lucani 5, 554: Heu quantum Fortuna humeris iam pondere fessis Amolitur onus!, ubi tam aptum est v. amoliri quam hic emoliri. — 457. Intransitque etiam] «Tō etiam mendii suspectum. Mox pro nigri iudicis malim Stygii Forte etiam: Intransit triplici latratu.» Heins. «Contecerat Heinsius Stygiius et miratur cur nigrum vocet. Sed eo colore omnia apud Inferos infecta fingunt poëtae, et nigrum deum Plutonem vocat Ovid. Her. 2, 70. et Met. 4, 438. et quis non? Burm. Memento furvas Proserpinae Horat. Od. 2, 13, 21. — 461. raptu] sic etiam T. raptim Exc. Voss., quod sine causa praefert Burmannus.

Mella trahit, pennasque cient et spicula tendunt,
 Et tenuis saxi per propugnacula cinctae
 Rimosam patriam dilectaque pumicis antra
 Defendunt pronoque favos examine velant. 465
 Est locus, infaustis quo conciliantur in unum
 Cocytos Phlegethonque vadis; inamoenus uterque
 Alveus. Hic volvit lacrimas: hic igne redundat.
 Turris per geminos flammis vicinior amnes
 Porrigitur solidoque rigens adamante sinistrum 470
 Proluit igne latus. Dextra Cocytia findit
 Aequora triste gemens et fletu concita plangit.
 Huc post emeritam mortalia secula vitam
 Deveniunt. Ibi nulla manent discrimina fati,
 Nullus honos vanoque exutum nomine regem 475
 Proturbat plebeius egens. Quaesitor in alto
 Conspicuus solio pertentat crimina Minos
 Et iustis dirimit sontes. Quos nolle fateri
 Viderit, ad mala mox transmittit verbera fratris;
 Nam iuxta Rhadamanthus agit. Cum gesta superni 480
 Curriculi totosque diu perspexerit actus;
 Exaequat damnum meritis et muta ferarum
 Cogit vincla pati. Truculentos ingerit ursis,
 Praedonesque lupis, fallaces volpibus addit.
 At qui desidia semper vinoque gravatus, 485
 Indulgens Veneri voluit torpescere luxu,


463. *cinctae*] *cunctae* mg. T, ut est in Aldina. — 465. *velant*] sic etiam T. «*Vallant* unus Florent.» Lego *vallant*. HEINS. *celant* Exc. Voss. — 470. *sinistro* T. cum aliis, ex accommodatione ad v. *igne*. — 472. *flexu* pr. T. — 475. *honor* T, — 477. *praetentat* T cum aliis, quod non displicebat Heinsio. Sed neque *pertentat* neque *praetentat* satis placet. Forte melius foret *perpensat*, id est, examinat, ut praemia et poenas dispenset.» BUAM. Verbum, quo primus usus esse videtur Ammianus Marcellinus, Claudiano obtrudendum non erat. — 479. *ad mala mox* T. cum plerisque: *ad rigidi* ex Lucensi et Gyrard. Heinsius atque Burmannus, *ad saevi* quattuor Heinsii; *ad duri* sec. Vatic. Thuan., quae omnes libidinosae sunt interpolationes, ortae, nisi fallor, ex vitiosis scripturis *ad mala viderit transmittit* Olsel., *ad mali mox* Ed. Vicet. — 480. *cum gesta*] *congesta* T cum aliis. — 481. *prospexerit* T. cum aliis, et volgo ante Barthium atque Heinsium. — 484. *addit*] sic etiam T. «Quidam *addit* corrigunt; scripti non iuvant.» HEINS. — 486. *Indulgens* cet.] «Hic versus nihil Claudiani habet; puto interpolatores hic grassatos.» HEINS. Hinc seclussit Ed. Bipontinus; sine causa, arbitrator.

Hunc suis immundi pingues detrudit in artus.
 Qui iusto plus esse loquax arcanaque suevit
 Prodere, piscosas fertur victurus in undas,
 Ut nimiam pensent aeterna silentia vocem. 490
 Quos ubi per varias annis ter mille figuras
 Egit Lethaeo purgatos flumine, tandem
 Rursus ad humanae revocat primordia formae.
 Tum quoque, dum lites Stygiiue negotia solvit
 Dura fori veteresque reos ex ordine quaerit, 495
 Rufinum procul ecce notat visuque severo
 Lustrat et ex imo concussa sede profatur:
 Huc superum labes, huc insatiabilis auri
 Proluvies pretioque nihil non ause parato,
 Quodque mihi summum scelus est, huc improbe legum 500
 Venditor, Arctoi stimulator perfide Martis,
 Cuius ob innumeras strages angustus Averni
 Iam sinus et plena lassatur portitor alno.
 Quid demens manifesta negas? En pectus inustae
 Deformant maculae vitiisque inolevit imago, 505
 Nec sese commissa tegunt. Genus omne dolorum
 In te ferre libet. Dubio tibi pendula rupes
 Immineat lapsu: volucer te torqueat axis:
 Te refugi fallant latices atque ore natanti
 Arescat decepta sitis, dapibusque relictis 510
 In tua mansurus migret praecordia voltur.
 Quamquam omnes alii, quos haec tormenta fatigant,
 Pars quota sunt, Rufine, tui? Quid tale vel audax
 Fulmine Salmoneus vel lingua Tantalus egit
 Aut inconcesso Tityos deliquit amore? 515
 Cunctorum si facta simul iungantur in unum,
 Praecedes numero Cui tanta piacula quisquam
 Supplicio conferre valet? Quid denique dignum

487. *immundi*] sic etiam T. *immundas* ex aliis Burm. — 491. *per varios annos per mille* T. cum plerisque. Emendavit ex Luc. et Gyrald. Heinsius. — 496. *esse* pr. T. — 501. *simulator* T., item duo Vat. Pat. Moret. sec., ut Barthius legit explicatque in Commentario; in contextu is quoque *stimulator*. — 506. *malorum* T., ut Leid. et pr. Med. tertius. — 510. *revulsis* pr. T. — 513. *sunt* ex Codd. Heinsius in Ed. 1665. et Burm. *sint* T. cum plerisque. Heins. Ed. 1688. Gesner, Koenig. — 516. *fata* T. cum aliis. — 517. *Cui*] *quo* T. cum aliis.

Omnibus inveniam, vincant cum singula poenas?
Tollite de mediis animarum dedecus umbris. 520
Adspexisse sat est. Oculis iam parcite nostris
Et Ditis purgate domos. Agitate flagellis
Trans Styga, trans Erebum. Vacuo mandate barathro
Infra Titanum tenebras infraque recessus
Tartareos nostrumque Chaos, qua noctis opacae 525
Fundamenta latent, penitusque ibi mersus anhelet,
Dum rotet astra polus, feriant dum litora venti.

524. *latebras* T. (nova lectio.) — 525. *quo Ditis opaci* T. cum aliis. Emendatum est ex Luc. Gyr. aliisque interpolationis minus suspectis. *Ditis* sane huc venit ex 523. — 526. *penitusque ibi mersus* T cum aliis: *praeceps ibi mersus* Lucensis, *penitusque immersus* e sex Codd. Heinsius et Burm., *praeceps ubi mersus* omnes fere Edd. ante Heinsium. — 527. *rotat -- feriant* T cum aliis. Ut nos e Codd. Barthius, Heinsius, Burmannus.



INDEX LECTIONUM
IN]
ACADEMIA TURICENSI

INDE
A DIE XXX. MENSIS OCTOBRI M.DCCC.XLIII.
USQUE
AD DIEM XX. MENSIS MARTII M.DCCC.XLIV.
HABENDARUM.

I. Ordinis Theologorum:

1. Professorum ordinariorum:

F. HITZIG, Dr. Theol., p. t. Academiae Rector.

- 1) Archaeologiae biblicae secundam partem, id est, antiquitates biblicas quaternis p. hebd. horis tradet.
- 2) Iobi librum quaternis horis interpretabitur.
- 3) Exercitationes exegeticas Hebraicas binis horis instituet.
- 4) Grammaticam Arabicam binis horis docebit.

J. P. LANGE, Dr. Theol., p. t. Decanus.

- 1) Historiae ecclesiasticae partem secundam senis horis enarrabit.
- 2) Dogmaticae Christianae partem secundam quaternis horis tradet.
- 3) Exercitationes homileticas binis horis instituet.

A. SCHWEIZER, Dr. Theol.

- 1) Evangelium Ioannis quaternis horis explicabit.
- 2) Ethicen Christianam quaternis horis:
- 3) Liturgicen binis horis docebit.

O. F. FRITZSCHE.

- 1) Introductionem in Novum Testamentum ternis horis tradet.
- 2) Evangelia synoptica quaternis horis explicabit.
- 3) Symbolicen quaternis horis docebit.
- 4) Exercitationes ad Patristicam spectantes, Chrysostomum "*de Sacerdotio*" explicaturus, binis horis instituet.

2. Professorum extraordinariorum :

M. ULRICH.

- 1) Epistolas ad Corinthios quaternis horis:
- 2) Epistolam ad Galatas et utramque epistolam ad Thessalonicenses scriptam binis horis interpretabitur.

3. Privatim docentium :

I. C. USTERI, Parochus.

- 1) Evangelium Matthaei binis horis explicabit.
- 2) Introductionem specialem in Pauli epistolas binis horis tradet.

II. Ordinis Iureconsultorum :

1. Professorum ordinariorum :

F. L. KELLER, Dr., p. t. Decanus.

- 1) Gaii institutiones quaternis horis:
- 2) Iuris particularis Turicensis primam partem, id est, ius rerum et obligationum, ceterorum Helvetiae Germanicae pagorum ratione habita, quaternis horis tradet.
- 3) Ciceronis orationes pro S. Roscio et pro Q. Roscio quaternis horis explanabit.

I. C. BLUNTSCHLI, Dr., Senator Turicensis.

- 1) Taciti Germaniam, introductionem in historiam iuris Germanici, binis horis interpretabitur.
- 2) Materias selectas iuris privati Turicensis, exclusurus ius rerum obligationumque, rationem iuris particularis, quoceteri Helvetiae Germanicae pagi utuntur, et legislationis civilis mox perficiendae habiturus, quaternis horis tractabit.

A. ERXLEBEN, Dr.

- 1) Pandectas ex Blumii Compendio (Halis 1829) denis horis tradet.
- 2) Collegium exegeticum ad Pandectas spectans binis horis instituet.

G. GREIB, Dr.

- 1) Processum civilem Germanicum communem, Bethmann-Holwegii Compendio usurus, senis horis explicabit.
- 2) Ius criminale Germanicum commune quomodo per doctrinam et legislationem paulatim processerit, Feuerbachii libro usurus, senis horis exponet.

2. Professorum extraordinariorum:

H. ESCHER, Dr.

- 1) De pacto emptionis binis horis edisseret.
- 2) Processum criminalem quaternis horis explanabit:
- 3) Politicen quaternis horis tradet.

3. Privatim docentium:

I. SCHAUBERG, Dr.

- 1) Encyclopaediam disciplinarum iuris et rei politicae quaternis horis tradet.
- 2) Processum criminalem Germanicum communem et Helveticum senis horis docebit.

III. Ordinis Medicorum:

1. Professorum ordinariorum:

J. LOCHER-BALBER, Dr., p. t. Decanus.

- 1) Pharmacologiam, artem et ~~exercitationem~~ ~~formulae~~ medicas conscribendi adiuncturus, quaternis horis:
- 2) Therapiam universalem binis horis docebit.
- 3) Policlinicen ternis horis moderabitur.

J. HENLE, Dr.

- 1) Anatomiam corporis humani, excepta osteologia et syndesmologia, novenis horis docebit.
- 2) Exercitationes corpora humana secandi una cum Dr. KÖLLIKER, Prosectore, moderabitur.

C. PFEUFER, Dr.

- 1) Pathologiam et therapiam specialem senis horis docebit.
- 2) Clinicen medicam senis horis moderabitur.

H. LOCHER-ZWINGLI, Dr.

- 1) Chirurgiam et theoreticam et practicam quaternis horis:
- 2) Artem vulnera ligandi binis horis tradet.
- 2) Clinicen chirurgicam senis horis moderabitur.

2. Professorum extraordinariorum:

J. C. SPÖNDLI, Dr.

- 1) Commilitones ad technicen obstetriciam in phantomate ternis horis instituet.
- 2) Clinicen obstetriciam binis horis moderabitur.

M. HODES, Dr.

- 1) Medicinam forensem quaternis horis:
- 2) Politiam medicam ternis horis:
- 3) Anatomiam, pathologiam et therapiam herniarum intestinalium binis horis docebit.

3. Privatim docentium:

A. KÖLLIKER, Dr.

- 1) Osteologiam et syndesmologiam ternis horis:
- 2) Anatomiam universalem binis horis tradet.
- 3) Repetitorium ad physiologiam spectans binis horis instituet.

IV. Ordinis Philosophorum:

1. Professorum ordinariorum:

A. MÜLLER., Dr., p. t. Decanus.

- 1) Mathematicen puram quinis horis tradet.
- 2) Calculum differentialem et integralem quaternis horis docere perget.
- 3) Mechanicen quaternis horis:
- 4) Astronomiam popularem binis horis docebit.

L. OKEN, Dr.

- 1) Historiae naturalis partem primam senis horis:
- 2) Philosophiam naturalem senis horis docebit.

E. BOBRIK, Dr.

- 1) Psychologiam quaternis horis tradet.
- 2) Historiam philosophiae inde ab initio aetatis mediae usque ad nostra tempora quaternis horis enarrabit.
- 3) Philosophiam politicam Herbartii quaternis horis exponet.

Th. MITTLER, Dr.

1. Historiam aetatis mediae quinque horis:
2. Historiam contentione, quae inter potentiam ecclesiasticam et civilem per mediam aetatem fuit, binis horis:
- 3) Historiam civitatum Europae quinque horis tradet.

2. Professorum extraordinariorum:

I. C. ORELLI, Dr.

- 1) Taciti annalium librum IV. et V. ternis horis:
- 2) Horatii epistolas binis horis interpretabitur.

I. I. HOTTINGER, Dr.

- 1) Helvetiae historiam usque ad sacra Christiana emendata binis horis enarrabit.
- 2) Litteraturam historiae Helvetiorum binis horis docebit.
- 3) Quomodo in rebus gestis conscribendis versandum sit, binis horis auditores enstituet.

I. C. LÖWIG, Dr.

- 1) Chemiam experimentalem organicam quinque horis docebit.
- 2) Exercitationes practicas ad chemiam spectantes tricenis horis instituet.

I. H. BAITER, Dr.

- 1) Platonis Symposion ternis horis:
- 2) Plauti "*Militem gloriorum*," binis horis explicabit.

R. SCHINZ, Dr.

- 1) Historiam naturalem hominis quaternis horis:
- 2) Zoologiam animalium vertebratorum quinis horis tradet.

O. HEER, Dr.

- 1) Botanica universalem quaternis horis:
- 2) Entomologiam binis horis docebit.

A. MOUSSON, Dr.

Physicam experimentalem quinis horis docebit.

H. SAUPPE, Dr.

- 1) Antiquitates politicas Graecas ternis horis illustrabit.
- 2) Aeschyli Eumenidas ternis horis interpretabitur.
- 3) Exercitationes philologicas binis horis moderabitur.

3. *Privatim docentium:*

A. W. WINCKELMANN, Dr., Prof. Gymnasii.

Aeschyli Prometheum binis horis explicabit.

S. VÖGELIN, Prof. Gymnasii.

- 1) Pindarum binis horis explicare perget.
- 2) Platonis Gorgiam binis horis interpretabitur.

H. VÖGELI, Dr., Prof. superioris Scholae polytechnicae.

Europae historiam ab America detecta usque ad res Franco-Gallicas conversas ternis horis enarrabit.

F. GIDONI.

De poetis Italicis, qui antiquis et recentioribus temporibus floruerunt, sermone Italico binis horis edisseret.

Ed. SCHWEIZER, Dr.

- 1) Chemiam technicam ternis horis docebit.
- 2) Ad explorationes ope instrumenti, quod dicitur "*Lothrohr*", faciendas commilitones binis horis instituet.

H. SCHWEIZER, Dr.


- 1) Elementa grammaticae Sanscriticae binis horis:
- 2) Elementa doctrinae de partibus duabus prioribus linguae Gothicae et Germanicae antiquae (*Laut- und Formenlehre*) ternis horis tradet.


F. EICHELBERG, Prof. super. Schol. polytechn.

Mineralogiam quaternis horis docebit.

K. NAEGLI, Dr.

- 1) Historiam naturalem Cryptogamorum binis horis enarrabit.
 - 2) Anatomiam comparativam et historiam evolutionis plantarum binis horis docebit.
 - 3) Demonstrationes microscopicas binis horis instituet.
-





Lc 46.60
in Probin et Olybrii fratrum consu
Widener Library 004906731



3 2044 085 197 937